

Date – 06/03/2025

Time - 18:30 -18:40Hrs

REGIONAL NEWS BULLETIN

HEADLINES (EVENING)

- 1. Ni 2 awh Chapchar Kut lawmna pui ber Aizawl Sipai Lammual-a nghah chu vawiin khan Environment, Forest and Climate Change Minister Pu Lalthansanga’n a hawng .
- 2. Chief Minister Pu Lalduhoma'n kawng siam danah kalphung thar hman a ni tawh a ti.
- 3. Prime Minister Narendra Modia chuan economy ti nghet a, thalaite tana hna siam turin Uttarakhand-ah kumtluana tourism lam uar a tul thu a sawi.
- 4. Union Minority Affairs Minister Kiren Rijiju chuan hnam leh sakhaw tlem zawkte hmasawna turin sawrkar laipui chuan theihtawp a chhuah thu a sawi.

<><><>

CHAPCHAR KUT

Ni 2 awh Chapchar Kut lawmna pui ber Aizawl Sipai Lammual-a nghah chu vawiin khan Environment, Forest and Climate Change Minister Pu Lalthansanga’n a hawng a,

Pu Lalthansanga chuan Kut thupui “Hawihhawmna” chu Mizo nuna bet tlat a ni a ti a, Zonun Ze Mawi chu Zofate phuar khawmtu ani tih sawiin Zofa hmun hrang hranga cheng te vawng nung tlat turin a duh thu a sawi.

Chapchar Kut chungchanga kan corr report lo ngaithla ang.

(VC)

Mizote Kutpui ber Chapchar Kut chu vawiin khan “Zonun Zemawi Hawihhawmna” tih thupui hmangin bultan a ni a, Chapchar Kut hi ni 2 chhung hman tura ruahman niin naktuk hian Chief Minister Pu Lalduhoma’n Kut lawmna pui ber Aizawl Sipai Lammual ah a hman pui ang.
Chapchar Kut hi pu pute hunlai atanga ropui thei ang bera lawm thin niin Mizo Hnam lam leh zai te hnen hlim taka hman thin a ni a, hmanlai atanga pi pute tih dan thin chhawm nung zelin Mizo infiamna, zai leh lam te leh tihdan phung hrang hrang te he kut pual hian chawi lar thin a ni a..Chapchar Kut hi Mizoram hmun hrang hrang leh Mizoram pawna zofate pawhin an hmang a ni.

C. Lalmunsangi / Akashvani / Aizawl

Pu Lalthansanga chuan Chapchar Kut an hmanna hmun Lammual chu Assam Rifles ten kum engemaw zah anlo luah tawh chu Assam Rifles hmel hmuh tur a awm manglo in a awm tawh a ti a, hun reilote ah Mizoram sawrkar kutah a awm dawn tih sawiin Assam Rifles hmun chu uluk lehzuala neitu thinlung pu a hmang turin mipuite a duh tih a sawi.

Corr: Maremi

<><><>

CM

Chief Minister Pu Lalduhoma'n kawng siam danah kalphung thar hman a ni tawh a ti a, kawngpui chu rigid pavement veka siam a nih dawn avangin a tlo bik dawn a ti.

Vawiina Assembly thutkhawmah he thu hi sawiin House Leader leh Chief Minister Pu Lalduhoma chuan kawng chu concrete-in paver khawl kal theihna zawng zawng chu siam vek a ni tawh a ti a, hetihlai hian paver khawl kal theih lohna chu tunhmaa an lo siam thin dan anga an la siam chhunzawm a ngai a ti a, rigid pavement chu hautak deuh dawn mahse a tlo dawn hle dawn a ti a, tun dinhmunah harsatna an tawh mek chu kawng siam tura mimal ram lak ngai chu a ni tih sawiin hemi chingfel tur hian session kal mekah hian Minister in bill putluh a tum mek tih a sawi bawk.

Byte: Chief Minister Pu Lalduhoma

Hetihlai hian PWD Minister Pu Vanlalhlana chuan vawiina Assembly thutkhawmah Congress MLA Pu Ngunlianchunga zawhna chhangin, ZPM kaihhruai sorkar chuan kum 2024-2025 chhungin Mizoram kawngpui siamthat nan cheng vbc, 17, nuai 69, sing 1, sang 7 a dah a ti a, kawngpui siamthat nan an pawisa dah cheng vbc 17, nuai 69, sing 1, sang 7 chu hman ral vek a ni tawh tih a sawi a. Kawngpui enkawl nan hian PWD chuan kilometre 1 zelah cheng sing 4, sang 9 leh 300 a ruahman a, hetihlai hian kawng chhiat leh that dan a zirin kawng kilometre khat zel a pawisa hman chu a danglam hle tih a sawi bawk.

Corr: Maremi

<><><>

VC

Mizoram Legislative Assembly vawiina thukhawm chuan The Mizoram (Village Councils) Bill, 2025 chu lungrual takin a pass.
Bill puluttu Minister Pu C.Lalsawivunga chuan Dan thar danglam bikna tur chu VC member zingah sorkar sum tichingpen an awm chuan VC tawp thiat lova a tisualtu member hrem a ni dawn a ti a, he bill ah hian dan hluia a tha lai leh la hman chhunzawm theih zawng zawngte chu sengluh a ni a, village council din, thiah te, a hun chhung te, hmeichhe tana seat hauhsak, village council executive body, an rorel dan tur te chu a ngai ang leh tlema tidanglam hretin dan tharah hian sengluh vek a ni tih a sawi a, hei bakah hian village council thuneihna tam zawk pek rawt a ni a, Chiang leh felfai zawkin an thuneihna te pawh ziah a ni a, Village council inpek theih dan pawh mumal zawka siam a ni a, India danpuia panchayat mawhphurhna

zawng zawng sengluh a ni a, United Nations Sustainable goals 17 te tihhlawhtlinna tur pawh he dan tharah hian dah tel a ni bawk.

Minister chuan dan hmasaa Pawi Lakher autonomous district area tiam lovin tih thin chu he dan tharah hian Aautonomous District Council area leh Municipal Area tiam lovin ti-a ziah a ni tawh tih a sawi a, village council a member awm thei zat chu dan hmasaah chhungkaw awm zata teh a nih laiin dan tharah chuan mihring cheng zata teh a ni tawh dawn a, mihring 500 chennaah member 3 an awm a, 500 aia tamnaah member 5 an awm dawn a, 1000 atanga 2000 inkarah member 7 an awm ang a, 2000 chunglamah member 9 an awm ang, VC term chu kum 5 a ni dawn a, sorkarin tul bik thilah chuan thla 12 thlengin a pawt sei thei dawn a ni.

(CORR : Maremi)

<><><>

URBAN AND REGIONAL DEV BILL

Mizoram Legislative Assembly-in The Mizoram Urban and Regional Developmemt Bill, 2025 chu siamthat ngai lai te siamtha turin vawiin khan lungrual takin a pass. Bill puluttu Home Minister, Pu K Sapdanga chuan Mizoramah zaa 52 lai chu khawpui a cheng an nih thu leh Goa dawta khawpuia cheng zat san berna state a ni a, kum 2011 atanga 2021 inkarah khan khawpuia cheng zat chu zaa 23.48 in an pung tih a sawi a, khawpui than dan ruahmanna mumal zawka siam a nih theihna tura dan hman mek MURD ACT 1990 chu kum 35 kalta a mi a nih avangin sorkar laipui atanga scheme lo kalte a phuhru zo tawh lova, siamthat ngai leh belh ngai a tam tawh em avangin siamthat ai chuan a thar a thlak mai a chi tawh zawka an hriat avangin bill thar The Mizoram Urban and Regional Developmet Bill, 2025 chu duan a ni tih a sawi a, dan hmasa nen thil tam ta an thlak danglam tih a sawi a, khawpui thang chho zelah hmasawnna mumal zawka kalpui a nih theih nan he dan huap zau zawk hi mamawhna a lian chho zel dawn a ni a ti.

(CORR : Maremi)

<><><>

RESOLUTION

Mizoram Legislative Assembly-in Official resolution, The Water (Prevention and Control of Pollution) Amendment Act, 2024’ chu lungrual takin a pawm.

Vawiin session a Official resolution puluttu, Environment, Forests & Climate Change Minister Pu Lalthansanga chuan he resolution tum ber chu tui thianglim neih theihna tura tui hnate venna a ni a, Parliament-in state tin House te hmang ve turin a tih avanga rawn pu lut ta a ni tih a sawi a. Minister chuan, dan bawhchhia te chu tun hma-in kum 6 thleng lung in tang tura hrem theih an ni a, tunah chuan cheng nuai 15 thleng chawi theih tura tih a ni tawh tih sawiin he dan hnuaiah hian hetiang lam hre lo Chairman-a ruat a nih loh nan Pollution Control Board Chairman chu sorkar laipuiin a ruat ang a, member secretary chu state sorkarin a ruat thung dawn a ni.

Sorkar laipui dan, state sorkarin an lo hman ve tur a nih avangin House member te’n sawiho loh ni se an tih angin House chuan lungrual takin a pawm ta a ni.

Corr: Maremi

<><><>

FCS&CA MINISTER

Supply Minister Pu B.Lalchhanzova'n Sairang Rail Station hnaihah tuialhthei chhek khawlna tur, Oil Depot siam tum a ni a, a hmun tur la tihfel a ni lo a ti.

He thu hi vawiina Assembly thutkhawma Tuirial bialtu MLA Pu K. Laldawngliana zawhna a chhanna ah a sawi a, Oil Depot siamna hmun tur erawh IOCL-in a la thlang fel lo a ti a, siamna tur hmun tak an la hriat loh thu House a hrilh a ni.

Minister chuan tunhma atangin Mizoram sorkar chuan Oil depot siam turin hma la tawh mah se hnathawh a muan chhan chu sorkar hmasa te hmalakna hnuaiah a ram tur thlan chungchang a lang tlang tawk lo thin a ti a, IOCL-in Oil depot sakna tur ram a thara thlan an ngen angin, ZPM kaihhruai sorkar chuan thla hmasa February ni 4-a IOCL-in oil depot zirchian phalna a dil chu chak takin hma a la nghal a, sorkar chuan drone hmanga survey nei turin phalna a pe tawh a, sorkar hmasa te ai chuan ZPM kaihhruai sorkarah Oil depot siam tura hmalakna chu chak zawka a hriat thu sawiin Oil Depot changtlung tak, tihhmasawn belh zel theih tur siam a nih theih nan Oil depot siamna tur ram thlanna kawng pawh Mizoram sorkar inrawlh lova IOCL te chu a tha ber thlang turin hma an la tih a sawi bawk.

Minister chuan Mualkhang bottling plant chu Mizoram sorkar thuneihna pumhlum ni lovin, IOCL-in thuneihna a nei tam zawk tih a sawi a, contractor thlan leh a enkawl kawngah IOCL kutah veka awm a ni a, ZPM chuan an sorkar tirh ah a ram hawhna -land lease tifelin, sorkar laipuiin cheng vbc 225 a pek chhuah hmangin tunah hian chak takin hna an thawk mek a, tun atanga rei vak lovah forest clearance an tihfel theih a beisei thu leh, hnathawh mek pawh en theihin a awm tawh tih House a hrilh a ni.

Corr: Maremi

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.
<><><>

PM

Prime Minister Narendra Modia chuan economy ti nghet a, thalaite tana hna siam turin Uttarakhand-ah kumtluana tourism lam uar a tul thu a sawi. Vawiina Uttarkashi district-a Harsil-ah he thu hi sawiin Pu Modia chuan state chhungah tourism sector lam uar taka kalpui a tul tih swiin thlasik ah pawh Uttarakhand chu tlawh turin mipuite a sawm a ni.

(Newsonair)
<><><>

UNION MINORITY MINISTER

Union Minority Affairs Minister Kiren Rijiju chuan hnam leh sakhaw tlem zawkte hmasawнна turin sawrkar laipui chuan theihtawp a chhuah thu a sawi. Vawiina ramchhung chhimlama Pradhan Mantri Jan Vikas Karyakaram (PMJVK) thlirletnaah he thu hi sawiin Pu Rijiju chuan mi zawng zawng huapzo hmasawнна chu sawrkar ngaihpawimawh hmasak ber a ni a ti a. Pu Rijiju chuan India chu hnam lian leh tenau te ralmuang taka an khawsakhona ram anih thu sawiin sawrkar laipui scheme siamte chu khua leh tui tinte sawt tlanna tur zel a nih thu a sawi a ni.

(Newsonair)
<><><>